



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sanctissimo Christi Iesu Dei Et Hominis Amore

Le Gaudier, Antoine

Coloniae Agrippinae, 1620

Decimus fructus. Zelus animarum

[urn:nbn:de:hbz:466:1-50572](#)

proximos diffunditur. Quare ideo etiam dedit mandatum nouum amoris, quia nouo iam iure, novo vinculo, omnes deuincti sumus in Christo qui vnum omnino sumus in Christo.

Decimus fructus. Zelus animarum.

Multiplici iure fructus, hic ē radice amoris Christi enascitur, prout ad varias virtutes spectat. Nam prodit ex amore Dei, quatenus animarum salus pertinet quam maximè ad gloriam Dei, siue ut in hac vita ab omnibus colatur, ameturque, siue ut in altera, æternæ eius gloriæ fiant participes : Cuius amoris D E I

tota vis in amore Christi fortius, excellentiusque agit. Quod si in ipsa animarum salute considerentur gloria Christi redemptoris diuitiae, magnificentia, efficacia, iam zelus animarum proprius erit fructus amoris Christi. Denique si ex dilectione proximi prodeat, suprà diximus ea quanto auctior sit ex coniunctione cum Christo, & illa dignitate quæ ab ipso singulis afflatur. Et certè vix vnquam satis efficaciter ad eam propugnandam, & in æternum conservandam animamur, nisi ab ipso Christi amore incitemur. Qui enim ex proximi tantum dilectione prodit zelus, mi-

nus

nus solet esse fortis, & efficax.
Itaque zelus animarum proprius est amoris effectus, & genuinus Spiritus Christi fructus.

Vnde cimus fructus: Maior efficacia functionum circa proximum.

Miramur in Ecclesia tot doctissimorum virorum labores, tanta studia adeo parū opis afferre fidei, tot erroribus exagitatae, & vitæ puritati tot infectæ corruptionibus. Certè vel hinc maximè petenda ratio videtur, quia licet præstantes sint functiones, tamē carent vera sua forma, quæ est Christus, quam ijs imprimere solus Christi amor potest, qui quo vehementior est, eo illæ solent esse efficaciores. Huius